

Podignimo svijest za bolji svijet

28 March 2016

Obilježavanjem 22. marta - međunarodnog Dana voda, pod nazivom "Podignimo svijest za bolji svijet", zvanično je počeo edukativni program koji udruženje Zeleni Neretva Konjic namjerava provoditi tokom ove godine. Ovogodišnje planirane edukativne ekološke aktivnosti obavljaju se u saradnji sa učenicima svih zainteresiranih gradskih i prigradskih osnovnih škola i obdaništa, a u vidu organiziranja raznih vidova aktivnosti koje imaju za cilj podizanje ekološke svijesti kod mlađih populacija (radionice, prezentacije, izleti). Također, kao i prošle, tako je i ove godine napravljena neka vrsta presedana pa su u edukativne aktivnosti uključene populacije koje u formalnom obrazovanju (vaspitanju) uglavnom nemaju priliku učestvovati u srodnim aktivnostima, odnosno radi se o mladim osobama koje do sada nisu imale mogućnost adekvatne edukacije iz oblasti zaštite životne sredine. Naime, dok su prošle godine u edukativnim aktivnostima učestvovali mlade osobe koja imaju potencijal u razvoju (Prva osnovna škola Konjic), tako je ove godine edukativni program simbolično započeo na međunarodni Dan voda uz učešće djece, te uz pomoć vaspitača iz Gradskog konjičkog obdaništa. U prostorijama Gradskog obdaništa obavljene su različite radionice sa dvije, starosno podijeljene, grupe djece. S obzirom da su protekle radionice dale izvrsne rezultate, time su dale garanciju da se slične aktivnosti nastaviti i ubuduće.